

ছাত্র ধর্মঘট পালিত

(বিশ্ববিদ্যালয় রিপোর্টার)

বধিত ছাত্র বেতন প্রত্যাহার, বেসরকারী শিক্ষা প্রতিষ্ঠানের আর্থিক দায়িত্ব সরকার কর্তৃক গ্রহণ, ক্যাডেট কলেজ, মডেল স্কুল, কিঙার গার্টেন বাতিল, করিয়া অভিন্ন পদ্ধতির শিক্ষা ব্যবস্থা চালু, বিনামূল্যে শিক্ষা উপকরণ সরবরাহ ও বন্যাভগত অঞ্চলে ছাত্র বেতন সংকলের দাবীতে গতকাল (বৃহস্পতিবার) ছাত্র ধর্মঘট পালিত হইয়াছে। কেন্দ্রীয় ছাত্র সংগ্রাম পরিষদের (শেষ পৃ: ৮-এর ক: স্র:)

ছাত্র ধর্মঘট পালিত

(১ম পৃ: পর)

উভয় অংশ ও সংগ্রামী ছাত্র জোটের আহ্বানে এই ছাত্র ধর্মঘটের দিনে গতকাল নগরীর বিভিন্ন শিক্ষা প্রতিষ্ঠানে ক্লাস হয় নাই। ছাত্র-ছাত্রীরা ক্লাস বর্জন করিয়া স্ব স্ব শিক্ষা প্রতিষ্ঠানের ক্যাম্পাসসহ নগরীর বিভিন্ন রাস্তায় মিছিল বাহির করে। ছাত্র সংগ্রাম পরিষদ এ উপলক্ষে ঢাকা বিশ্ববিদ্যালয় ক্যাম্পাসে পৃথক মিছিল শেষে মধুর কেন্টি-নের সামনে এক সভার আয়োজন করে। ছাত্র সংগ্রাম পরিষদ এক প্রেস বিজ্ঞপ্তিতে গতকাল সারাদেশে ছাত্র ধর্মঘট পালনের কথা জানাইয়াছে।

দাবী আদায়ের লক্ষ্যে ছাত্র সংগ্রাম পরিষদের উভয় অংশ জাতীয় ছাত্রলীগ ১লা অক্টোবর হইতে ১৫ই অক্টোবর পর্যন্ত 'প্রতিরোধ পক্ষ' পালনের যুগপৎ কর্মসূচী ঘোষণা করিয়াছে। 'প্রতিরোধ পক্ষের' শেষদিন ১৮ই অক্টোবর ঢাকায় শিক্ষাভবনসহ দেশের জেলা-উপজেলা শিক্ষা দফতরের সামনে বিক্ষোভ প্রদর্শন করা হইবে।

আমাদের জাহাঙ্গীরনগর বিশ্ববিদ্যালয় সংবাদদাতা জানান, গতকাল জাহাঙ্গীরনগর বিশ্ববিদ্যালয়ে আংশিক ধর্মঘট পালিত হইয়াছে। কয়েকটি বিভাগের ক্লাস চলিয়াছে। প্রশাসনিক সকল কাজকর্ম চালু ছিল।